



Obavještenje o održavanju Kvalifikacionog takmičenja za Federalno takmičenje iz matematike učenika osnovnih škola

Zbog pogoršane epidemiološke situacije, u mnogim kantonima u Federaciji BiH nije održano kantonalno takmičenje iz matematike. Zbog toga će se 4.5.2021. godine održati kvalifikaciono takmičenje za plasman na Federalno takmičenje iz matematike učenika osnovnih škola u kategoriji VII, VIII i IX razreda. Organizator ovog takmičenja je Udruženje matematičara Kantona Sarajevo uz podršku ostalih kantonalnih udruženja matematičara.

- Na kvalifikacionom takmičenju mogu učestvovati učenici koji pohađaju osnovno obrazovanje u Federaciji BiH i dolaze iz onih kantona u kojima nije organizovano kantonalno takmičenje, kao i učenici koji se nisu uspjeli plasirati na Federalno takmičenje putem kantonalnog takmičenja, tamo gdje su kantonalna takmičenja održana. Ukoliko žele, u kategoriji sedmih razreda mogu se takmičiti učenici petih i šestih razreda (ali se podrazumijeva da su savladali gradivo sedmog razreda). Također, učenici osnovnih škola u FBiH koji su u prethodnoj ili ovoj školskoj godini osvojili medalju na Juniorskoj balkanskoj matematičkoj olimpijadi imaju direktan prolaz na federalno takmičenje (nije potrebno da se prijavljuju).
- Takmičenje će se održati online 4.5.2021. godine, koristeći platformu Microsoft Teams, sa početkom u 10 h. Izrada zadataka traje 150 minuta, a učenici rješavaju 5 zadataka. Prvoplasiranih 15 učenika iz kategorije svakog razreda ostvaruje pravo nastupa na federalnom takmičenju.
- Učenici su dužni sve vrijeme držati upaljenu kameru, te u prostoriji sa učenicima ne smije biti drugih osoba. Na kraju takmičenja se slikaju papiri i šalju na odgovarajući email. Takmičenje se radi na papirima formata A4. Detaljne tehničke upute će učenici dobiti na platformi Microsoft Teams.
- Učenici neće dobijati priznanja, potvrde ni diplome za učešće na ovom kvalifikacionom takmičenju od strane organizatora.
- Prijava na takmičenje se vrši najkasnije do 2.5.2021. putem forme: https://docs.google.com/forms/d/e/1FAIpQLSeSkNtu3iUmtYP1fEL6ktZW2L-pdcuU4ij9Oq_kPN16292XTQ/viewform
- Za dodatna pitanja i informacije možete se obratiti na email: federalno2021@gmail.com.

Udruženje matematičara Kantona Sarajevo